

Guaraní - Mo'ãva Ñandejára Ñe'ẽ - Protection Scriptures

Jeremías 1:18 Ko árape che romoĩ táva mbarete, horkon fiérro ha korapy yvate ramo, rembohovái haguã opa Judá guápe: mburuvicha guasu, mburuvicha kuéra, pa'i kuéra ha opa tetã guápe.

Ezequiel 3:18 Ha'évo che peteĩ heko añávape: “Remanóta”, nde neremomandúi ramo chupe, nereñe'ëi ramo ere haguã chupe toheja heko vai, ha upéicha rupi oñemboyke manógui, upe heko añáva omanóne heko ky'akuére, ha ndéve ajeruréne huguykue repy.

Jeremías 6:27 Upévare he'i Ñandejára: “Pehendu tetã nguéra, peikuaa ojuhútava che retã guápe.

Levítico 26:19 Ndoky mo'ãi peẽme guarã ha pende yvy hatãta itáicha.

Deuteronomio 23:5 Ha'e kuéra nome'ëséi vaekue peẽme y térã hi'upy peju ramo Egíptogui ha ogueru vaekue Balaam Beor ra'y itáva Petórgui, opytáva mombyry Mesopotámiape, ha ohepy me'ẽ vaekue chupe oity haguã jeharu pende rehe.

Romanos 12:21 Ani reheja ipu'aka nde rehe ivaíva. Upéva rangue, nde pu'aka nde ivaívare iporãva rupive.

Salmos 143:8,10 Ára ko'ẽ togueroguahẽ chéve ne mborayhu, ajerovia haguére nde rehe. Ehechauka chéve mba'éichapa aiko vaerã. Nde rehente voi che ajerovia. 10 Che mbo'e kena ajapo kuaa haguã ne rembipota, ndéko hína Tupã che Jára. Nde py'a porã kena che ndive, ha che mboguata tape porãre.

Salmos 94:12 Ore Jára, ovy'aite vaerãpa upe nde reheko mbo'éva, upe ne rembiapoukapýpe remoarandúva.

Proverbios 27:12 Oiko kuaáva ohecha yvykua ha oñembojere chugui heko tarováva katu ohónte ha ho'a pype.

Filipenses 2:16 Peñemohatã kena pe marandu oporomoingovévare. Upéicha, oúvo Cristo che py'a rory vaerã pende rehe, aikuaa pype nañani reíri ha namba'apo reíri hague.

Isaías 49:4 Che katu ha'e che pype: “Reínte añeha'ã ra'e, ha che kane'õ rei mba'everã.” Ñandejára katu oñangareko che rehe, ha Tupã ome'ẽ chéve che rembiapokue repy.

Salmos 76:4 Upépe ha'e omopẽmba hu'y, tete mo'ãha, kyse puku, ha opa mba'e ñorãirõme ojeporúva.

Hebreos 13:21 ta pene momarangatu ha ta pene mbopy'a porã opa mba'épe, pejapo kuaa haguã hembipota. Ha'e tojapo ñande hegui oipotaháicha Jesucristo rupi. Toñemomba'e guasu Cristo opa ára.

Amén.

1 Corintios 16:15 Che pehẽngue kuéra, peẽ peikuaa porã Estéfanas rogagua hague, Acáyape, umi oike raẽvete vaekue ñane jeroviápe, ha omba'apo hague ñane pehẽngue rehehápe.

Filipenses 1:27 Peiko kena oiko haguãicha umi ogueroviáva Cristo evangelio. Ahárõ térã aha'ỹrõ pohecha, tahendu peimeha oñondive peteĩ py'ápe, peñeha'ãvo pemyerakuã evangelio.

1 Corintios 15:58 Aipórõ, che pehẽngue kuéra ahayhúva, pene mbaretéke ha ani pepyta tapépe. Ko'ẽ ko'ẽvévoke pemba'apove Ñandejára peguarã. Peẽ niko peikuaa, ndareiriha opa pejapóva joajúpe Ñandejára ndive.

Colosenses 4:12 Oguerahauka peẽme imaitai Epafras, peteĩ Jesucristo rembiguái, peteĩ peẽva voi ha tapia oñembo'éva pene mbarete haguã Tupã rembipota apópe.

2 Reyes 19:34 Che amo'ãta ko távape ivaívagui, che rembiguái David ha che rehehápe voi.

Jeremías 15:20,21 Che ajapóta nde hegui ko'ã tetã guápe guarã, peteĩ korapy yvate vrónse ikatu'ỹva ojeity. Oñemoĩta nde rehe ha ndaipu'aka mo'ãi nde rehe, che aimétagui ne ndive roguenohẽ haguã jejopy vaígui. Che, opa mba'e Jára, ame'ẽ che ñe'ẽ. 21 Tekove ahẽ pógui roipe'áta ha imbaretéva poguýgui roguenohẽta!"

Salmos 55:19 Ha'e niko nda che rejái amano, che jerére omumumbárõ che jukaséva.

Ezequiel 30:24 Ha amombaretéta mburuvicha guasu Babilonia pegua jyva kuéra ha amoĩta ipópe che kyse puku. Amopẽta faraóngui iyyva kuéra ha ha'e ipy'ambúne opyta haguére upéicha umi ija'e'ỹha renondépe.

Apocalipsis 3:18 Upévare ha'e ndéve rejogua haguã che hegui óro oñemopotĩ vaekue tatápe, ne mba'e repy heta haguã añetehápe; ha che hegui rejogua haguã ao morotĩ, reñemonde haguã ha remo'ã pe nde opivoha ñane motĩva, ha peteĩ pohã remoĩ haguã nde resápe ha rehecha.

1 Juan 3:17 Pe oguereko hetáva ha ndoiporiahurerekói hapicha oguereko'ỹvape, mba'éicha piko ikatúta he'i Tupã mborayhu oĩha ipype?

Isaías 50:4 Ñandejára che reko mbo'e amokyre'ỹ haguã che ñe'ẽme ikane'õvape. Ára ko'ẽre oñe'ẽ che apysápe ahendu haguã hemimbo'e.

Salmos 18:40 Ñorãirõme che mombarete, ha nde rupi umi che rehe opu'áva oñemoĩmba che po guýpe,

2 Samuel 22:40 Nde che mombarete ñorãirõháme; umi opu'ávape remokarapã che renondépe,

Salmos 89:44 Ikyse puku kuéra rehãingapa chugui, ha ñorãirõme

nereipytyvõi.

Ezequiel 13:6 Hembirecha, mba'e gua'u rei ha imomarandu katu japu. He'i oñe'ẽha che rérape, ha che namondói chupe kuéra. Ha hi'arive oha'arõ che ambyajévo iñe'ẽ nguéra!

Levítico 26:37 Oñemuña'ỹre ojojapipáta ojeuhe okañy ramo guáicha ñorãirõhágui. Ndaipóri mo'ãi ijapytépe kuéra avave ipy'a guasúva oñorãirõ haguã.

1 Corintios 14:8 Ha ñorãirõháme pe turu ndaipúi rire oñehendu porã haguãicha, avave noñembosako'iri vaerã mo'ã oñorãirõ haguã.

Job 15:24 Pytũ omyenyhẽne kyhyjégui chupe, ha opóne hese angata ha po'a'ỹ, mburuvicha guasu oike ramo guáicha ñorãirõháme.

1 Crónicas 12:33,38 Kuimba'e Isacargua, oikuaáva umi ára, he'i haguã mba'épa ojejapo vaerã Israelpe, 200 mburuvicha ha opa ityvýra kuéra oja póva ha'e kuéra he'íva. 38 Avei, Jordán mboypýri, 120.000 kuimba'e, Rubén ha Gad ñemoñaregua ha mbytere Manasés ñemoñaregua, oguerékóva opaichagua tembiporu ñorãirõrã.

Lucas 10:19 Che ame'ẽ vaekue peẽme pokatu peguata haguã mbói ha alakran apytépe, ha pende pu'aka haguã umi pende rehe ija'e'ỹvare, ojehu'ỹre peẽme mba'eve ivaíva.

2 Corintios 7:10 Pe ñembyasy Tupãgui oúva niko ñane mbojevý Tupã gotyo, ha upéva ñande reraha ñasẽ haguã ivaívagui, ha ndaipóri ñambyasy vaerã. Pe ñembyasy yvypóragui oúva katu, oporogueraha manóme.

2 Timoteo 2:25,26 Oñemoñe'ẽ kuaa vaerã umi iñakã rehénte oikosévape. Ikatu mba'e niko péicharõ Tupã opoko hese kuéra, ha oheja hikuái heko vai ha ou oikuaa umi mba'e añeteguáva. 26 Péicharõ opáyta ha ojehekýita hikuái pe ñuhãgui, Aña oguerékohápe chupe kuéra ipoguýpe iñapytĩmby.

Nehemías 4:15 Ha upéicha, oĩ jave omba'apóva ko'ẽ guive pytũ meve, oĩ oñangarekóva hese kuéra árma ipópe.

Salmos 73:24 Che reko mbo'évo che sãmbyhy, amo ipahávo, jeroviapópe ne rendápe che moguahẽne.

Pastor T. John Franklin
Church of Salvation, Healing, and Deliverance
COS-HAD.org